

三水縣志卷六

知縣朱廷模主修

陽湖孫星衍撰

地丁錢糧九

戶口

康熙八年編審共一千八百四十二戶共男婦大小口三萬一千三百八十二口乾隆十六年奉文清查實在共烟戶九千三百三十六戶共男婦大小三萬八千九百五十五口滋生之盛五倍於前

地糧

原額共地九千五十二頃三十二畝一分四釐共額糧二萬八千三百八十七石二升二合三勺順治七八兩年免過地五千八十四頃一畝九分九釐共免糧一萬六千一百二十四石七斗四升三合五勺康熙八年並二十三年兩次免過地一千六百四十一頃六十六畝五分六釐共免糧五千二十九石四斗一升六合七勺

三水縣志卷六

一

實在地二千三百二十六頃六十三畝五分九釐

實在糧七千二百三十二石八斗六升二合一勺乾隆二十
二十三並三十三等年開墾地一十頃八畝七分四釐該
糧一十四石八斗九升三合四勺

實在共地二千三百三十六頃七十二畝三分二釐

實在共糧七千二百四十七石七斗五升五合五勺

起運

實該起運銀八千二十七兩五錢七分六釐內除留支四季
夫馬工料修理銀七十兩四錢實解起運銀七千九百五十

七兩一錢七分六釐

存留

經費雜支等項共銀一千一百三十一兩七錢一分八釐

經費

本縣知縣一員
俸薪銀二十四兩六錢五分三釐

心紅紙張
裁

修宅家伙
裁

修理倉監
裁

吏書十二名
裁

門子二名
一歲額工食銀十二兩

皂隸一十四名
八歲額工食銀八十四兩

件作一名隨習二名
一歲額工食銀十二兩

三水縣志卷六

馬快八名
三歲額工食銀一百四十四兩四錢

民壯二十一名
百歲額工食銀一百二十六兩

禁子八名
四歲額工食銀八兩

轎傘扇夫七名
四歲額工食銀四十二兩

庫子四名
二歲額工食銀四兩

斗級四名
二歲額工食銀四兩

庫書一名
裁

倉書一名
裁

典史一員
俸薪銀三十一兩五錢二分

書辦一名
裁

門子一名
銀六兩

皂隸四名
二歲額工食銀四兩

馬夫一名歲額工食銀六兩

教諭二員俸薪銀八十兩

喂馬草料裁

齋夫三名三歲額工食銀三十兩

膳夫二名兩歲額工食銀三十三兩

書辦一名裁

門斗二名十歲額工食銀四兩四錢

廩生二十名十歲四糧兩銀六兩

雜支

春秋祭祀六歲額銀三十九兩

鄉飲九分五釐銀一兩

修理倉廩并鋪墊板席裁

三水縣志卷六

協濟邠州水夫四歲額工食銀四兩八錢

解邠州船木裁

置買刑具裁

舖兵一十五名歲額工食銀九十兩

更夫三名七歲額工食銀七兩二錢

解布政司站支站共銀一百四十七兩七錢八分四釐

孤貧九名口糧二歲額銀三十錢

孤貧冬衣布花歲額銀一兩五錢

走遞馬匹夫役工料歲額銀七十兩四錢

歲貢盤纏二年一辦裁

舉人盤纏三年一辦裁

進士坊價三年一辦裁

驛站

漢屬武關驛協站銀六十四兩一分一釐一毫零起運

臨洮府屬狄金二縣驛站銀二千一百六十七兩六錢八分

八釐五毫零起運

鞏司清水所夫牛工料銀三兩三錢五分七釐五絲起運

課程銀一十六兩三錢起運

換帖銀一十一兩七錢起運

學田原額地上下不等共二頃七十一畝零徵租麥一十石

四斗二升八合五勺穀一十石四斗二升八合五勺此項作廩糧賑

給貧士之需

畜稅每歲無定額

地稅每歲無定額

三水縣志卷六

四

鹽法額引六百張殘引一十五張課銀該商在於河東

茶法本縣山僻之邑民不嗜茶路不通馬

林逢泰荅詢利弊議

看得軍興以來兵苦于行間民困于輓運亦已極矣本縣與賊為隣擾攘迄無寧日又溝崖疊險車路不通輓運尤其艱難竊意生財之源在於足民而後軍需可繼輓運之法在於轉輸而後民力不疲如緩征以紓民困改折以便徵輸此本縣今日民生所懸望者至於兵貴神速早奏蕩平自不致有匱乏之虞籌兵尤宜核兵籌餉尤宜核餉酌盈濟虛因時量用憲臺自有碩畫非卑職所能參末議也

荅詢鹽法利弊議

查得本縣山僻小邑崖峻溝險車載不通從來鹽商不至止

有本縣之民招定小販合湊資本運鹽銷引而土瘠民貧人無貿易商旅跡稀因以資本難於措辦運鹽亦難於食銷此乃地不利而民無可資生也每年額外六百張雖勉力完銷實甚苦累今倘於額引之中酌減一二則鹽易銷而無壅矣至於緝私販以疏官鹽嚴比較以稽勤惰法最善也但本縣地既窮僻路又迂迴私販無大利市是以大夥絕少卽有一二販升斗之徒若此季拏獲究罪下季必相戒不敢復來乃兵快懼以無功比較不得不捏報以倖免責罰季季皆然又不得不舍私販以幫賠贖此乃法愈嚴而弊愈滋也雖奉有則報有無則報無之示又多蹈狗庇之愆以此一縣民快憚於巡鹽比較而逃竄者十之三四招募無復肯應今倘於比較功次之中寬免一二則法可通行而無弊矣此皆本縣

地方情形既蒙下詢不敢不據實上陳其應否可行統在上裁

又請免荒糧議

看得荒糧包賠之累疊經備詳在案復蒙駁查見憲臺以事關

國課深加慎重至意卑職何敢復爲置喙但思民爲邦本賦由地出若地既荒賦將安出民既逃亡

國課亦將何賴乎卑職身在地方目擊既真不得不呼籲高明之前者本縣土瘠民貧自古已然因明季節年增派所以原額賦重其從前苦累載在通誌減糧議中已蒙

朝廷蠲除無容復贅矣茲惟順治十三年因捏報墾荒派在見糧賠納百姓逃亡甚衆遂併熟地成荒幸康熙八年秦屬

蠲免案內豁除民困稍甦但所蠲免者乃捏墾之虛數而熟地成荒之實數尙未豁也彼時前官以奉文查捏墾包賠故止將原報捏墾數目造冊詳報而因包賠逃亡熟地成荒情由未及詳請槩免致有今日之累非旣奉蠲免之後逾時未久復有荒糧如許之多也今經五年多方招徠逃者仍未復業細詢其故有逃竄日久死亡無踪者亦有思其地荒糧懸一歸而逋糧爲累者因而裹足不前致使見在之民賠納困苦勢必轉徙堪虞竊恐逃者未回而見在者復逃荒者未墾而熟者復荒官民受累將何底止至於河崩地畝因連歲淋雨暴漲前詳亦已報明況本縣山高川狹一經崩吹徹爲石田非如河道平行東崩西灘可比若給以老荒之地則一望榛莽又豈瑩瑩子遺所能施五丁之手哉伏見

朝廷蠲租賜賑覃恩屢頒卽如隣近寧州一州荒糧萬餘前蒙督撫兩憲具疏奉

特旨蠲豁此子惠元元之德音普天同戴懇祈憫念殘黎俯賜轉詳 題豁使見在者安心樂業逃者必聞風思歸招徠勸墾不過數年內而原額可復所謂有人此有土有土此有財者是也

又請援例暫寬考成議

切照本縣邑殘民困疊遭寇掠錢糧催呼不前不得已據情詳請援例展限仰祈垂鑒茲蒙檄查見上臺天地爲心誠下邑更甦之日也本縣地本瘠薄民無貿易惟以農務爲生去歲春苦潦夏苦旱秋苦早霜麥穀委屬不登百姓顛連無告至有食穀皮以充饑典子女以糊口者又軍需緊急運寶運

漢運興運省以及運邠運涇率貸數金而僱一役費倍蓰而致一石且運漢運興中途遭變米豆付之烏有種種艱苦不惟疲於奔命實已竭其脂膏況自去冬土寇竊發慶寧變亂本縣密邇賊境出沒擾攘劫掠之慘迄今無有寧日屢經塘報在案亦屢蒙調發官兵征勦在案非敢有捏飾也既值此慘禍民不聊生雞犬無存驚鴻莫定遠者冗處巢居呼之不敢出近者鳩形鵠面刑之不忍加猶幸民知大義不甘從賊涇州糧豆陸續輓輸在新餉既苦竭力則舊餉益難併征是以十三年未完錢糧催呼不前職此故也本縣以彈丸之邑當慶陽全郡之賊防兵不滿五十捕員亦且乏人卑職一手拮据勞瘁備嘗豈不知考成爲重功名可念第處此時勢實無可如何耳況卑職一人之功名不足惜竊恐有礙各憲臺

考成究竟無益於

國課而且有累於民生卑職所以不避斧鉞據實詳請者也
伏祈俯鑒轉達察例 題請寬限官民幸甚
又請停緩續派糧草議

查得十四年續派糧草先奉文撥運邠州旋改運涇州正在督催間忽遭逆賊入城之慘民心愴惶不免觀望嗣而賊勢鳴張攻剋堡寨燒殘麥穀民益風鶴靡寧然卑職多方撫諭百姓陸續輓輸今又改運平涼極力催督前後共完米豆一千三百餘石惟草束一項委難輓運已據里民哀控備敘情由申請蒙憲批布政司查議通報在案昨又同周司獄審供申報在案卑職非不知軍需爲重祇緣本縣迫近賊巢出沒不常迄今一載無有寧日方追呼稍有頭緒忽聞警遂卽逃

散小民自顧身家不暇安望輸將恐後乎此催運之難一也
本縣名有八里而東北之椒邨職田北宮三里與眞寧接壤
南之蒲邨一里與石門關毗連皆慘遭寇掠逃亡過半僅存
四里亦無全甲全戶舊有四鎮集市今底廟職田土橋三鎮
皆已荒廢民生日蹙賦稅無出寬之則追徵不前急之則愈
思逃竄此催運之難二也本縣設在萬山之中四面溝崖崎
嶇自古無車輛可通肩挑背負所運幾何而平涼往返千餘
里動需半月則此一月之內能得幾運乎此催運之難三也
有此三難復有新舊本折車折夫驢省倉鄜縣各處解運之
繁勢難兼顧力難分應所以不能依限速完者屈之時勢無
可如何耳查各省用兵地方皆有停征緩征之例卽秦省被
賊州縣亦有徼恩豁免者本縣與賊爲隣同一殘破而民知

大義始終不肯從賊獨不可格外加恩一視同仁乎伏祈憫
念殘黎輓運之苦下吏督催之艱俯賜鑒宥殘邑幸甚

又請改徵草束及免車輛議

看得本縣邑殘民困至今極矣久在照臨之中無待贅瀆但
賊寇之擾攘晝夜不寧軍需之輓運南北奔馳何敢言瘁所
最苦者惟運平涼草束一項蓋本縣僻處山陬溝崖崎嶇自
古不通車路並無車輛若一驢所馱多至七八束而往反十
餘日止足供一驢之食何以交納一夫所擔僅可四五束而
一夫之盤費工價不啻數倍民何能堪所以米豆能運而草
束不能運者此也至於派運涇州車輛尤爲苦累本縣旣已
無車令往邠長等處僱覓而邠長亦在用車之時僱覓難得
若云折驢計用驢七百九十頭不惟驢畜屢遭寇掠而喂驢

之工料費更不貲若云折夫計用夫一千五百八十名不惟民多逃亡卽見在之民各有應納糧草運平涼運省倉運鄜縣並無空閒之身可以應役況近慶陽復叛眞寧賊寇又肆鳴張不當留此百姓爲守禦計乎值賊寇破殘之後民窮財盡正賦催納不前又何堪此額外之供八里小民等所以曉曉籲控也卑職非不知軍需爲重但目擊地方一限於地勢之不得行一限於民力之不能堪不敢不據實上達伏祈憫念殘邑與各屬不同請將草束一項仍舊徵銀起解與其虛懸不可得之數以疲民孰若稍一變通而民困可甦正賦無缺乎其運涇州車輛除已押解民夫赴涇運糧外請祈憲恩特爲豁免倘萬不獲已則如平涼府所申僱車一輛價二兩二錢此項委無額銀僱覓等語本縣照依價數備銀解送平

涼府自行僱覓斯亦兩全之策也伏祈俯鑒裁奪施行
又再請改徵草束及免車輛議

竊照撥運平涼一項卑職極力督催寢食靡寧柰百姓經殘破之後疲困已極茲復隣寇告警風鶴尤甚卑職不避艱險躬詣各鄉勸諭督催據各里民哀訴時值隆冬歲暮凍餒難行且運解米豆驢夫被賊搶掠尙有未回父哭其子妻哭其夫慘目傷心難施之以法矣其草束萬難輓運前後屢經詳請在案在上臺以軍需爲重未暇詳察地方情形未荷俞允然向蒙吳藩憲身臨其地昨又蒙委周司獄目覩其形卑職豈敢有一字虛飾乎地勢旣不得行民力旣不能堪卑職力難排山術乏點金將何計可施乎況運過米豆雖抵正賦無幾而民間已費數倍矣至於派車七十九輛因山溝崎嶇自

古不通車路業已折夫若干名驢若干頭押解涇州輓運交平涼訖有被賊擄掠蒙平涼府憫念發回者尚有未回者小民聞風畏避中途遲延此又豈一二解役所能禁乎更有請者按糧均派固出至公但本縣荒糧甚多見今椒邨職田二里逼近賊巢里甲皆已逃散餘里亦逃亡多半實難與各屬同論卽如咸陽派車五十四輛永壽派車四十五輛而本縣派車七十九輛今試取三水與咸陽並較人皆知其弗若也而派車且過之況旣不通車輛折夫折驢數目過多民力有限其何能堪此耶竊恐民生曰蹙逃亡日甚將來軍需更不可問矣在卑職勢處萬難罪無所追而百姓情實可矜伏望俯加軫恤原情寬宥官民幸甚

又請改徵折色議

竊照本縣荒僻小邑百姓夙稱貧窮而此時尤甚錢糧舊有逋欠而近歲始多緣地方迫近賊巢疊遭蹂躪十室九空而各處輓運本色役繁費多不堪奔命是以民愈困而賦愈缺爲今日計有可以恤民力并以濟軍需者不得不切實冒陳也本縣設立山中溝深徑險車輛不通其草束萬難輸運情形屢據民詞申請改折蒙憲批查議見候批示在案至派運米豆雖見在勸輸飛輓但道途險遠無車可運背負不過二斗驢馱不過四斗所運幾何且往返動需時日裹糧有費喂養有費賠累不貲每役數人而致一石之糧費數金而完一石之額殘黎何能堪此乎況新舊併征十三年運省倉鄜縣長武十四年運省倉涇州平涼十五年又運平涼省倉合計三年共派運米豆一萬八千三百五十餘石額數旣多奔走

又繁就人而計之本縣行差丁四千一百八十一口將必併差二十年之丁而後可以足役就銀而計之本縣起運額徵一萬一千七百餘兩將必併竭十數年之賦而後可以足額百姓前此之輓運者無論矣卽如今歲兩月有餘共完米豆六百餘石民之供役不下三千餘人民之費用不啻三千餘金而算抵正賦僅六百餘兩由是以推民無休息之期賦無完納之日勢必民生愈蹙

國課何賴上下交困終非計之得者況隣氛日熾百姓風鶴靡寧此尤可矜可念者也卑職目擊時勢孔艱再四思維止有將派運糧草俱改徵折色庶民困可以稍甦正賦不至終缺與其虛懸難完之數以爲民困孰若議一變通之計以圖有濟耶卑職從

國賦民生起見不揣據實切陳伏祈軫念殘破僻邑實與各屬不同特賜恩卹俯從所請百姓幸甚下吏幸甚

又請賜寬免議

查得本縣土瘠民貧夙稱上疲不幸復迫近賊境屢被擾攘人畜槩遭荼毒地荒丁逃不得耕種者十有七八兼各處輓運糧草役繁費多皮骨僅存民窮財盡未有若此時之甚者卑職屢將被賊蹂躪情形塘報在案并將殘黎各年錢糧難完情由詳請蠲恤在案業蒙憲恩查明十四年未完錢糧題請蠲緩是民間困苦已在洞鑒中今幸撫遠大將軍疏請寬免奉有部行此正憲臺加恩軫恤殘黎仰望更生之日也所有各年未完本折起存錢糧并被陷百姓地畝理合據實造冊齎報伏祈憫念邑殘民困慨賜全蠲庶子遺者思安故土

逃竄者聞風復業於以維民命而培國脉非淺鮮矣

又請免房稅議

看得本縣夙稱荒僻小邑民皆穴居野處家在城郭者寥寥
卑職履任之後脩葺城垣招來人民疏通行旅城中烟火稍
有可望然亦不過酒麵爲生非有經商舖肆可比不意隣寇
侵犯城郭民家槩遭折燬加以兵馬往來重爲踐踏百姓盡
行遠徙借居邨堡數載經營悉化榛蕪矣今所存一二破屋
見住防兵及過往兵馬宿歇之所已無人民居住若責以徵
稅不惟房主無人承應且恐招徠愈畏避不前耳又本縣設
立山隅從無水陸馬頭止有四鎮每遇集市之期席地爲肆
日中貿易並無店舍況寧寇竊發以來底廟職田土橋三鎮
或近賊巢或毗山藪皆經焚劫久成邱墟而張洪一鎮名雖
僅存舊無街宇均難徵輸宜乎小民賈宜等之合詞具控也
伏閱部行有隣近賊寇城池鎮店如有不便徵收聽督撫詳
查具題等語本縣旣接賊境又經殘破正與部例相符請祈
俯念民艱援例豁免百姓幸甚卑職目擊凋殘苦況不得不
據實上達伏望垂鑒

又請免夫驢議

案查先奉文派雲棧驢八十頭又奉文派黑水峪驢三百四
十八頭今又奉派舊縣關驢二百七十七頭三次共派驢七
百五頭每頭折夫二名共折夫一千四百十名在軍興時急
公之誼亦何敢辭但本縣經賊寇破殘之餘瘡痍未起逃亡
未復實難與他邑同論者蓋非獨驢夫之難而盤費腳價之
尤難也本縣越溝踰險百倍艱辛每夫一名議價二兩五錢

驢倍之計用夫一千四百十名該脚價三千五百二十五兩以荒殘之邑歷年錢糧多方敲比尙不能完乃一旦令出數千金之費其能之乎雖云夫驢案糧均派但本縣地荒糧懸見在之民賠累獨苦今所派不惟倍永壽長武淳化之半且倍咸陽三分之一以三水視咸陽其堪比擬乎卑職知軍需爲重極力催督將雲棧驢八十頭折夫一百六十名已經押解運糧訖黑水峪驢夫合算共准驢一百五十三頭亦已押解起行訖其未完及舊縣關之驢見在催解而合邑士民咸稱力萬難支哀號之聲不忍聽聞竊思本縣屢遭寇掠民逃地荒見在招徠未集若再加困苦勢必轉徙愈多民力旣竭必致軍需愈誤況一夫背米二京斗折市斗止一斗四升約計費二十金而運一石之糧民財更爲可惜派數似可酌減

卑職忝居民牧目擊情形不敢不據實上達伏祈憲慈憫念殘邑格外施恩俯賜寬豁存此子遺之民生功不在開疆拓土下也

又請豁逃丁議

竊照三水葭爾小邑僻處山谷之中屢經兵燹之餘土瘠以荒民稀而貧前在秦屬蠲免案內本縣所豁丁糧較他縣獨少且地方與慶陽接壤邇年隣寇猖獗肆行荼毒民不聊生相率逃亡者不可勝計而其存者又皆伶仃孤苦鳩形鵠面有鄭俠之圖所不堪繪者矣茲奉檄編審卑職凜遵功令矢公矢慎確見本縣八里里無全甲甲無全戶民生疾苦慘目傷心然死者不可復生逃者尙可復回乃多方撫諭竟未復業細詢其故皆因歷年積逋負累已深又見輓運本色派撥

夫驢疲困難支所以徘徊却步忍作他鄉之鬼耳前奉督憲批據小民李三陽等所告丁逃地荒事轉行到縣卑職確查死逃丁八百七十五丁冊報已蒙憲慈彙入請賜寬免案內詳請題豁在案今當審編之時應否卽准其開除此格外之恩出自憲裁非卑職所敢擅便也合請明示以便造冊詳報又請免地稅議

查本縣原係山僻小邑先定有地稅三十兩歷年賠累不堪蒙總督鄂有地稅不宜定額之請民慶更生今又累遭賊寇見在地稅分毫莫納何能完二百兩之額是徒以苦累民生而究不得增餉實用委難定額徵銀詳報在案今奉駁查再查看得本縣荒殘已極歷年正賦敲比莫完幸蒙憲恩於請賜寬免案內開豁若此虛懸地稅更苦徵輸無着況地有肥

磽物有不齊秦省非江南可比三水又非秦中州縣可比何能照例同日而語也卑職非不知軍需爲急但目擊民生困苦不敢輕議伏祈俯鑒轉達寬宥

又請寬鹽功比較議

看得本縣山陬僻邑壤接延慶往例捉獲功次原因花馬池路通小鹽私販自北而南今平慶俱經變亂已逾年餘大兵見駐平涼北道間隔商旅不行且本縣不幸與賊爲隣疊遭蹂躪地方荒殘已極食鹽之家逃亡過半集鎮盡成邱墟往來視爲畏途又安有私販之人可以捉獲圖功耶況衙役寥寥數人因軍需緊急各處催運糧草押解夫驢奔馳靡寧難以分身解比伏祈垂鑒暫寬功次比較俟事平之日仍舊報功解比此出於時勢維艱不得不上達以邀憲恩者也

又請改徵折色議

查得本縣十五年分兵餉銀一千四百一十餘兩零已經徵解通完訖惟本色糧草一項因本縣山溝深險車載不通驢馱背負所運無幾而往返動需時日奔走靡有休息費數倍而算抵正賦十不得一又奉派各處運糧夫驢七百餘頭約費數千金財竭力疲至今而極況自十五年七月以前疊被賊寇搶掠民逃未復今因輓運困累逃者日衆而見在者奔馳於秦州鳳翔商州舊縣關各處之役卑職雖極力督催苦於無民可比所以不能依限通完者職此故也卑職屢將糧草難運情由詳請改折既蒙司詳憲批如詳竟未蒙允行在民窮於運納在官亦窮於徵追惟有束手待斃而已見今考成在即不獨上下有碍而

國課亦無所濟伏祈憲臺俯念殘邑實與各屬不同恩准改徵折色庶百姓便於完納正賦不至終缺矣

又請免續派夫驢粟米議

看得三水痼疲之邑又經寇殘之餘民逃地荒困苦大不堪言屢經詳請在案業蒙憲臺將節年逋欠錢糧具題蠲緩而本色難運准改折徵是三水之百姓叨沾洪恩已深且厚而百姓之苦情荷蒙慈鑒亦已詳且周也卑職正在撫慰殘黎宣以憲臺德意招徠逃亡勸輸稅賦不期軍興旁午派運浩繁其從前之輓輸勿論矣即近今奉派商州驢一百十八頭續派驢一百頭三派驢一百一頭舊縣關驢一百五十二頭續派驢一百一十三頭三派驢一百五十二頭鳳翔驢五百九十頭續派驢五百五十頭秦州驢二百八十頭續派驢五

百九十七頭山陽驢四十頭共計二千七百九十三頭本縣無車若一頭折二夫算當用五千五百餘夫矣以本縣額徵糧一萬一千餘兩計之腳價之費浮於糧額以行差丁四千一百八十一丁計之力役之人踰於丁額似此殘邑子遺之民而能堪之乎卑職每一捧檄惶怖不知何以報稱輒思本縣百姓困苦久在洞鑿必蒙軫恤無待贅陳又思軍需急緊民瘼或無暇及因而不敢詳請一面勸諭催運晝夜靡遑今幸完將及半實收亦陸續齎報矣無奈百姓之血力已竭驅策不前而逃亡日衆況本縣前因本色難運詳請改折今仍派運秦米七百七十餘石程途愈遠背負愈艱往反動需月日終無完運之期甚至百姓因此苦累多藉口遠運而徙倚他鄉逃避不歸者不惟軍需輓運無人而額徵兵餉亦因之輸納缺誤矣伏讀憲檄以秦鞏荒殘曲加恩恤則本縣地方亦經寇殘而百姓不甘從賊獨不可作同仁之視乎卑職目擊情形深思後患有不忍不言之情亦有不得而言之勢不揣據詞瀆請伏祈憲臺憫念殘邑與他邑不同將續派各案夫驢粟米俯賜蠲免使得悉力料理初派未完各案勒比實收則軍需民生兩可無誤其以奠安邦本非淺鮮矣